

retribuatur. Et similis apparuit sæpe liberalitas in Gallos aliquo casu oppressos. Nam erga reliquos, aut hîc aut in nauibus agentes didicerunt à nobis non facîle quicquā gratis dare. Pedunculos capitis quæsitant, & in delicijs habent. In mendicando & postulando importunissimi sunt, & qui esse solent mendicorū & inopū mores, falsi, obloquentes, assertatores, vani. Gallos quidē atq3 omnes gentes cū semel saturi sunt, longē despiciunt, irridētq3 clanculum omnia; etiam religionē, quam susceperint. Tuguriola sua vbiuis facîle ac raptim sudibus ramificè ædificant, & aut cortice aut pellibus aut etiā tegete cōtegunt. Ignis in medio extruitur. Sed hæc iam satis supérque de regione & hominibus, maximè cū accuratam regionis Chorographiam mittam; ex quo vnō intuitu, quidquid de terrarum & maris situ dixi, liquidò apparebit.

Nunc ad id venio, quod secundo loco proposui, vt scilicet explicem, quam tandem via Societas missionem in hanc prouinciam obtinuerit. Et quidem nostri
Burd-